

Infos per l'onn da scola 2025/2026



Bainvegni en la Scola Trin




Pled preliminar

Charas scolaras e chars scolars, stimads geniturs

In nov onn da scola stat avant porta – cun novas schanzas, novas sfidas e blers muments pitschens e gronds d’emprender, da scuvrir e da crescer. Nus ans legrain fitg da dastgar accompagnar Voss uffants sin questa via e da concepir ensemen cun Vus in mintgadi da scola positiv, segir e promovent.

La broschura qua avant maun As duai dar ina survista da nossa scola, da l’onn da scola vegnint sco er dals andaments e da las purschidas impurtantas. En spezial porscha l’ABC da scola bleras infurmaziuns praticas.

Nus engraziain per la confidenza ed ans legrain sin ina buna collavuraziun durant l’onn da scola 2025/2026.



Register dal cuntegn

PLED PRELIMINAR.....	2
REGISTER DAL CUNTEGN	3
TEAM 2025/2026	4
SCOLA TRIN IN CIFRAS, ONN DA SCOLA 2025/2026	6
MAISA DA MEZDI E TGIRA D’UFFANTS CUMPLEMENTARA CUNTINUADA.....	7
URARI	8
PLAN ANNUAL	9
PLAN DA SCOLA E VACANZAS SCOLA 2025/2026	10
INFOS SPECIFICAS PER LA SCOLETTA	11
PLED FINAL	14
ULTERIURAS ADRESSAS	23

Team 2025/2026

Scoletta		Martina Koch Gianna Cadalbert
Scola primara	1. classa 2. classa 3. classa 4. classa 5. classa 6. classa	Alina Depeder Kathrin Domeni, Petra Tuor Christof Loher Monica Calonder Miriam Derungs, Christian Erni Larina Fravi, Simona Büchel
Persuna d'instrucziun spez. Pedagoga currativa		Annabarbla Hyseni, Martina Caprez Antonia Caspers
Pedel Team da nettegiar		Carl Caflisch Daniela Gehring, Corina Klingl
Manader da scola		Christian Erni

Per ils fatgs operativs da la scoletta e da la scola è il manader da scola responsabel. El è pia responsabel per la direcziun e la direcziun administrativa, organisatorica, persunala e pedagogica.

Schulrat	Presidenta Ciclus 1 Ciclus 2 e per.instr. spez. Maisa da m. e struct. Stgalim sup. Flem	Carolin Tobler Martina Frischknecht Marc Adam Nina Aregger Curt Casty, vicepresidente
-----------------	---	---

Il cussegl da scola vegn elegi mintga trais onns da las votantas e dals votants da la vischnanca da Trin. El maina e surveglia ils fatgs da scola e scolina en applicaziun da las prescripziuns federalas, chantunalas e communalas. El è responsabel per ils fatgs strategics.

Nov tar nus el team: Larina Fravi, scolasta da classa 6. classa



Data da naschientscha: 29 da schaner 2002
Film preferi: Blind Side
Cudesch preferi: Il café a l'ur dal mund
Animal preferi: liun
Mangiar preferi: maluns
Hobis: giugar ballape, far passlung, ir cun skis,
Snowboard, ir cun velo e curren


Nus tuts beneventain Larina cordialmain tar nus e giavischain ad ella ina buna entschatta en la scola da Trin.



Scola Trin en cifras, onn da scola 2025/2026

	buobas	buobs	total	ss	SC/ST
Scoletta Martina	12	6	18		
Scoletta Gianna	12	6	18		
Scoletta			36		
1. classa	5	15	20		
2. classa	9	10	19		
3. classa	9	6	15		
4. classa	11	9	20		
5. classa	8	8	16		
6. classa	9	9	18		
Scola primara			108		
Total o.d.s. 25/26			144	25	15
Cifras da scolar(a)s ods 24/25			135	31	13
Cifras da scolar(a)s ods 23/24			130	28	11
Cifras da scolar(a)s ods 22/23			121	28	9
Cifras da scolar(a)s ods 21/22			119	28	9

ods: onn da scola - ss: stgalim superiur Flem - sc: scola chantunala - st: scola da telents



Maisa da mezdi e tgira d'uffants cumplamentara cuntinuada

Vers la fin da matg vegnan repartidas cun ils uraris er las infurmaziuns davart la maisa da mezdi e davart las purschidas da tgira d'uffants cuntinuantas. I vegn mintgamai fatg in scleriment dals basegns e sch'il basegn è cumprovà, vegnan purschidas – ultra da la purschida da la maisa da mezdi – anc structuras dal di extendidas. Questas purschidas pon vegnir reservadas fin il cumenzament da zercladur a moda favuraivla e lianta.

La tgira da mezdi cun alimentaziun vegn purschida en nossa vischnanca da Gabi Sac e dal Project gaud da muntogna. Domaduas purschidas èn vegnidas examinadas dal chantun e possedan ina permissiun correspondent.

Sco ulteriuras purschidas da structuras dal di stattan a disposiziun las suandantas uras d'assistenza:

- **Tgira da la damaun** da las 07:30 fin las 07:55 (a partir da l'emprim uffant)
- **Tgira dal suentermezdi** da las 13:15 fin las 18:00 (a partir dad 8 uffants)



Urari

Ils uraris vegnan tramess a las personas cun la pussanza dals geniturs mintgamai la fin da matg cun il scleriment dals basegns sco er cun l'annunzia per la maisa da mezdi e cun las purschidas d'assistenza cuntinuantas. Ultra da quai chattais Vus ils plans a partir dal cumenzament dal nov onn da scola sin nossa homepage sut l'organisaziun –uraris.



Plan annual

11 d'avust 2025	1. Di da scola onn da scola 2025/2026
27 d'avust 2025	saira da geniturs 1. classa
28 August 2025	saira da geniturs 6. classa (nova scolasta)
fin settember 2025	saira da geniturs 5. classa
02 october 2025	Muntinadas
fin october 2025	saira da geniturs 3. classa
08 november 2025	di da chaglioms
december/schaner	discurs da scola
schaner 2026	emna da skis scolettas
fin schaner 2026	attestat da semester ed decisiun d'assegnaziun provisorica per la 6. classa
Januar/Februar 2026	discurs da verificaziun 1. scoletta
mars 2026	dis da viseta Scola Trin
mars/avrigl 2026	discurs da scholarisaziun 2. scoletta
miez avrigl 2026	decisiun d'assegnaziun def. per la 6. classa
matg/zercladur 2026	viadi da scoletta e scola 1. - 4. classa
zercladur 2026	Alp Mora emna da project 5./6. classa





Infos specificas per la scoletta

Cun l'entrada en la scoletta datti in grond pass per Voss uffant. Quel na dumogna el betg sulet, mabain en la cuminanza cun auters uffants e las persunas d'instrucziun da la scolina / scolastas da scoletta. Sin questa via sa chattan mintgatant obstachels e craps che ascendan, guntgeschan u schizunt allontaneschan l'uffant. En cas da malsegirezzas ed intschertezzas supplitgain nus Vus da contactar las persunas d'instrucziun ad uras. Ina buna collavuraziun stat a cor a tuts ed è fitg impurtanta er per l'uffant.



Alura chattais Vus in pèr puncts impurtants per la scoletta, ulteriurs puncts èn enumerads en l'ABC da scola:

Emnas da visita

Il mars vegnan organisads 3 dis da visita, en ils quals ils geniturs vegnan envidads da visitar lur uffant en la scoletta. Las infurmaziuns detagliadas davart questss dis da visita vegnan repartidas a temp via klapp.



Di da purtar cun sai

Mintgamai l'emprima mesemna dal mais dastgan ils uffants prender insatge davent da chasa en la scoletta e mussar quai als auters uffants. Auters dis na duain ils uffants betg purtar ils termagls davent da chasa en la scoletta.

autonomia

Ina tscherta independenza vegn premissa en scolina. Uschia duessan ils uffants pudair far diever sulets da la tualetta e sa trair en sezs.



Gimnastica

Ils chalzers da gimnastica e la vestgadira da sport ch'ins po serrar il meglier cun ratun restan mintgamai en scolina e vegnan dads a chasa als uffants avant las vacanzas per lavar els. Ils chalzers da gimnastica vegnan deponids la gievgia en il sectur d'entrada dadens la scoletta, per ch'els possian vegnir duvrads per il sportkids.



Tschinta da scolina

La tschinta che vegn mantegnida il di da visita sto vegnir purtada mintga di sin via en la scoletta.



Suentermezdi da guaud

Ina giada l'emna va la scoletta communablamain a guaud. Per quest suentermezdi èn ils chalzers stabils e la vestgadira correspondententa fitg impurtants.

Pled final



Chars geniturs, char(a)s responsabels/blas per l'educaziun

Sco cussegl da scola èsi in grond giavisch a nus che tut ils uffants possian sa sentir bain ed emprender cun plaschair en la scola da Trin. Ina buna collavuraziun tranter la scola e la chasa paterna è ina basa impurtanta per quai. Nossa scola viva da l'engaschament da blers – da las personas d'instrucziun, dals uffants, dals geniturs, dal manader da scola ed er da nus en il cussegl da scola.

Cun questa broschura As vulain nus dar orientaziun ed animar Vus da sa participar activamain a la vita da scola. En cas da dumondas, giavischs u ideas pudais Vus da tut temp gugent As drizzar a nus – nus ans legrain dal barat!

Nus giavischain a Vus ed a Voss uffants in bun cumenzament da l'onn da scola 2025/2026.

Cordials salids
direcziun e cussegl da scola da Trin

ABC DA SCOLA

absenzas

La regulaziun davart las absenzas da scola chattais Vus sin nossa pagina d'internet en l'urden disciplinar (sut downloads – leschas ed urden da scola), punct 5.

Guarda era sut ils dis da joker.

accidents

Per accidents che capitin durant la scola resp. durant la scolina è Vossa assicuranza privata cunter accidents u la cassa da malsauns responsabla .

annulaziun da l'instrucziun

En cas d'ina annulaziun da l'instrucziun previsibla vegnis Vus infurmads uschè baud sco pussaivel. Sch'ina persuna d'instrucziun croda or a curta vista, croda l'instrucziun ora fin ch'i dat ina substituziun. Tgi ch'è dependent d'ina assistenza entra en contact cun la direcziun da la scola.

allergias

Igl è impurtant che Vus infurmais la persuna d'instrucziun davart eventualas allergias u malsognas da Voss uffant.

auto da posta

Ils uffants da Mulin survegnan in abunament annual per ir cun l'auto da posta da Mulin a Trin. Ils uffants dal stgalim superiur survegnan in abunament annual per viagià senza restricziuns da Trin a Flem. Sche l'abunament è donnegià u va a perder, s'annunzià tar il manader da la scola.

attestat

La persuna d'instrucziun da classa dat in attestat sin la fin dal 1. semester ed in attestat final sin la fin da l'onn da scola. Ultra da quai ha lieu ina giada l'onn in discurs individual da la persuna d'instrucziun cun ils geniturs.

autoritad da scola

La scola da Trin (scoletta e scola primara) è suttemessa al cussegl da scola da Trin che sa cumpona da 5 commembras e commembers. Il schef spezialisà da la suprastanza communal è commember dal cussegl da scola. Al cussegl da scola dal stgalim superiur da Flem fa in commember da Trin part cun vusch consultativa.

avisar la partenza

Sche Voss uffant duess ina giada esser malsaun u na po betg frequentar la scola per in auter motiv, infurmai per plaschair avant che cumenzar

l'instrucziun a la persuna d'instrucziun da la classa da Voss uffant. En cas urgents po in'absenza er vegnir annunziada al manader da scola (079 418 21 72).

cas da malsogna

Sche Voss uffant na sa senta betg bain ed è malsaun, na tramettai el per plaschair betg a scola ed annunziat quai via klapp a la persuna d'instrucziun. En cas da malsogna d'ina persuna d'instrucziun chattais Vus sut annullaziun da l'instrucziun

ciclus

Las singulas classas vegnan repartidas en scola sco suonda:

ciclus 1: scolina fin a la segunda classa primara

ciclus 2: terza fin sisavla classa primara

ciclus 3: stgalim superiur

communicaziun

Nus na discurren betg da persunas pertutgadas, mabain cun persunas pertutgadas! Plinavant ans legrain nus, sch'ils geniturs s'interesseschon per il manaschi da scola e sch'els arrivon tar nus cun dumondas e/u cun feedbacks.

contact

In bun contact tranter la scola e la chasa paterna ans stat a cor. Per dumondas, problems u per resuns As drizzai l'emprim a la persuna d'instrucziun da classa. La segunda persuna da contact resp. post d'infurmaziun è il manader da scola. Sch'in problem u ina dumonda na po betg vegnir sclerida tras quests dus posts da consultaziun, vegn envidà il cussegl da scola.

cuminanza

En la cuminanza da nossa scola duain tuts avair lur plaz. Il resguard vicendaivel e l'observaziun da reglas fixadas èn la basa persuerter.

cuntanschibladad

Nossas persunas d'instrucziun n'èn betg cuntanschiblas 24 uras a di. Sche Vus drizzais dentant via klapp a las persunas d'instrucziun Voss giavischs, Vossas annunzias u autras dumondas, survegnis Vus in feedback durant las uras da biro usitadas.

convegnas da sportists

A partir da la 5avla classa datti per sportistas e musicists talentads la pussaivladad da definir lur absenzas en furma d'ina convegna cun

regulaziuns e cun obligaziuns spezialas. Ulteriuras infurmaziuns en chausa survegn ins tar il manader da la scola.

dentista

Ina giada l'onn han lieu las controllas da controlla tras la dentista da scola, dunna dr. med. dent. Anita Wehrle Lechmann. Geniturs che vulan laschar examinar lur uffants sin agens custs tras il dentist privat pon annunziar giu lur uffants da la controlla en seria.

dis da joker

Las personas d'instrucziun da classa pon permetter fin a quatter mezs dis sco dis da joker. Quels dastgan vegnir duvrads a moda flexibla durant l'onn da scola, cun excepziun dal cumenzament e da la fin da l'onn da scola.

dis da sport

La scola da Trin realisescha durant l'onn da scola dis da sport. L'experiencescha communabla da giue e spass stat en il center.

dis da visita

Ils dis da visita per ils geniturs han lieu durant il segund semester. Las datas vegnan publicgadas a temp en il bulletin e sin la homepage. Durant quests avantmezdis pon geniturs e personas interessadas a la scola prender invista en il mintgadi da scola.

ductrina

En nossa scola ha lieu mintg'emna ina lecziun da religiun che vegn organisada da la baselgia reformada e catolica e che vegn per part realisada da nossas personas d'instrucziun. L'instrucziun vegn frequentada da tut las scholaras e da tut ils scholars. In'annunzia per motivs da la libertad da cretta u da conscienza è pussaivla, sto dentant vegnir inoltrada en scrit a las autoritads da scola avant il cumenzament da l'onn da scola e vala lura per il temp da scola restant a Trin.

dumondas da congedi

Sin il cumenzament e sin la fin da l'onn da scola na vegnan permessas naginas dumondas per prolungar las vacanzas. Dumondas da vacanzas entaifer l'onn da scola e per prolungar las vacanzas ston vegnir drizzadas en furma scritta a l'autoridad da scola cun in termin d'inoltraziun da 4 emnas da scola. Talas dumondas vegnan mintgamai permessas mo ina giada per ciclus. Ulteriuras infurmaziuns en chausa chattais Vus en noss urden disciplinar punct 5 (Sin nossa homepage sut download – lescha ed urden da scola) e la lescha da scola.

gimnastica

Per l'instrucziun da gimnastica dovran ils uffants vestgadira adattada e buns chalzers da gimnastica. Ad uffants pli giuvens èn recumandads chalzers cun ina serra tatganta. A partir da la 4. classa fan ils uffants la duscha suenter la gimnastica, sch'els han suenter anc instrucziun.

info da scola

Duas fin trais giadas l'onn mettan las personas d'instrucziun ensemen cun las scholaras ed ils scholars ensemen ina curta informaziun da scola che vegn tramessa a tut las chasadas da la vischnanca da Trin.

instrucziun da nudar

Mintgamai en la 1. e 2. classa organischeschan las personas d'instrucziun in bloc da nudar en in bogn cuvert en vischinanza. L'instrucziun vegn dada da nossas personas d'instrucziun che han ina scolaziun regulara.

instrucziun da promoziun per personas da lingua estra – tssl e rssl

L'instrucziun da promoziun per personas da lingua estra è ina purschida per uffants che n'han naginas enconuschientschas da tudestg u da rumantsch u mo insuffizientas. Ella sustegna ils uffants d'emprender ina lingua tudestga u rumantscha cun la finamira ch'els s'acquistian spert enconuschientschas da la lingua fundamentala per suandar en scola a l'instrucziun.

instrucziun da traffic

L'instrucziun da traffic ha lieu en la scolina ed en il decurs dal temp da scola obligatoric e vegn organisada da la polizia chantunala dal Grischun. En il ciclus 1 sa drizza il focus sin il cumportament correct sco pedunas e peduns en il traffic sin via sco er sin ils privels dal traffic. En il ciclus 2 vegnan tiers las reglas sco velocipedistas e velocipedists ed er ils privels en l'internet.

instrucziun davart l'enconuschientscha sexuala

Mintga dus onns survegnan ils uffants da la 5. e 6. classa instrucziun separada tenor schlattaina. En quest connex vegn lavurà cun in med d' instrucziun ch' è adattà al stgalim.

klapp

A la scola da Trin vegn communitgà ed infurmà tras l'app KLAPP. Excepziuns pon esser formulars che pretendan Vossa sutscriziun persunala u infurmaziuns tar ils quals ina consegna sin palpiri fa vinavant senn. Ultra da quai èsi mintgatant pli simpel e cunvegnent da discutir tschertas chaussas per telefon.

lavor sociala da scola

La scola da Trin n'ha betg in post spezialisà per lavor sociala da scola. En cas da basegn po la direcziun da la scola consultar la lavor sociala da scola a Flem u auters posts externs.

linguas d'instrucziun

Las linguas d'instrucziun èn rumantsch e tudestg en la scolina ed en la scola primara (en scola linguas da scrittira). A partir da la 1. classa primara vegnan instruidas 2 uras ad emna tudestg sco 2. rom linguistic. La matematica vegn era instruida en lingua tudestga. A partir da la 3. classa crescha la cumpart dal tudestg a moda constanta. En la 5. & 6. classa vegnan instruidas 5 lecziuns instrucziun da lingua e matematica per tudestg ed ils auters roms per rumantsch grischun.

logopedia

La logopeda da la scola da Flem s'occupa era dals uffants da Trin cun singularitads linguisticas pli pitschnas u pli grondas.

marenda

Guarda sut pausa

medi da scola

Durant il 2. onn da scola resp. a la fin dal temp da scola obligatoric ha lieu ina examinaziun da la media u dal medi. Questas examinaziuns vegnan fatgas da las medias e dals medis da chasa e d'uffants ed organisadas da las persunas cun la pussanza dals geniturs, finanziadas èn ellas dentant da la vischnanca.

objects chattads

Guarda sut pedel.

occurrenzas da scola

Tar las occurrenzas da scola tradiziunalas da la scola da Trin tutgan la festa d'avertura da scola resp. la festa da Nadal, las Muntinadas, ils dis da guaud da la Scoletta, il di da pumera dal stgalim bass, il di da la chaglia da la 3./4. classa e l'emna da project da la 5./6. classa sin l'Alp Mora. Ils viadis da scola han lieu tradiziunalmain la primavaira e l'atun.

partiziuns

A nossa scola appartegna la scolina (scoletta) e la scola primara. Il stgalim superiur frequenta nossa giuventetgna a la scola da Flem.

pausa

L'avantmezdi ed il suentermezdi ha lieu mintgamai ina pausa. Igl è en l'interess da Voss uffant, sche Vus al pudais dar insatge da mangiar saun e cumplain.

pedagoga curativa

La Scoletta e mintga singula classa vegn sustegnida d'ina pedagoga curativa durant duas lecziuns per emna. Ultra da quai è la pedagoga curativa en cas da basegn er da la partida durant autras unitads en las classas. Las pedagogas curativas lavuran per part cun singuls uffants, per part cun gruppas pli grondas, uschia che mintga uffant po profiter.

pedel

Sche Voss uffant ha pers insatge u emblidà quel en la gardaroba, ha el davant la gardaroba en la chasa da scola e sut la vitrina da la halla plurivalenta ina chista cun objects chattàs. Sch'ils objects pers n'èn betg da chattar, As drizzai per plaschair a noss pedel da la chasa da scola, signur Carl Cafilisch (tel. 078 811 00 38).

plan da vacanzas

Il plan da vacanzas da la scola da Trin chattais Vus sin nossa pagina d'internet u sin la pagina 9 da questa brochura.

Remartga: Venderdi avant las vacanzas finescha l' instrucziun da scola per tuttas e per tuts suenter duas lecziuns da suentermezdi, avant las vacanzas da stad da mezdi.

plugls

Geniturs che constateschan plugls u lendels tar lur uffants èn dumandads d'infurmar immediatamain la persuna d'instrucziun da la classa correspudenta en chausa e da tractar l'uffant correspudentamain cunter l'infestiun da plugls.

policist

Guarda sut l'instrucziun da traffic

prescripziuns

Reglaments, leschas e directives impurtantas che pertutgan la scola chattais Vus sin www.scolatrin.ch sut downloads.

promoziun da la sanadad

La sanadad cumpiglia ils aspects corporals, psichics e socials. La scola da Trin emprova da promover en differentas modas la sanadad e la chapientscha da la sanadad da las scholaras e dals scholars.

promozion integrada

Guarda sut pedagoga curativa.

psicomotorica

La terapia da psicomotorica (TPM) è ina purschida da sustegn en scola per uffants cun singularitads u cun divergenzas en il cumportament da sa mover. Las permissiuns per ina terapia dat la direcziun da la scola.

qualitad

La scola da Trin sa stenta d'examinar cuntinuadamain la qualitad da sia lavur. Uschia pon vegnir definidas cleras finamiras e deducidas mesiras sistematicas per sviluppar vinavant quellas.

raischens

Tant l'instrucziun da la scolina sco er da la scola han lieu per part al liber. Nus supplitgain Vus da guardar suenter bain Voss uffants sin raischens e d'als allontanar.

rimnar gasettas

Trais giadas ad onn vegn il palpigi vegl rimnà en la vischnanca tras las scolaras ed ils scolars a partir da la 3. classa. Infurmaziuns davart l'andament survegnis Vus mintgamai avant l'emprima rimnada.

saira da geniturs

Mintga persuna d'instrucziun da classa che surpiglia ina nova classa organischa durant l'emprim quartal ina saira da geniturs. Ella serva ad emprender d'enconuscher in l'auter e da barattar infurmaziuns generalas.

scola da musica

L'instrucziun da musica extrascolara vegn purschida da la scola da musica dal Plaun. www.musikschule-imboden.ch

stgalfins

Mintga uffant duess avair a l'entschatta da la scola chalzers da chasa adattads e stabels. En la scoletta èsi impurtant che quels pon vegnir serrads bain e ch'els han ina sola antiglischnanta.

tschernas da professiun

La tschernas da professiun è tema dal stgalim superiur a Flem. A partir da la 5. classa datti il di naziunal da l'avegnir, nua ch'ils uffants vegnan confruntads per l'emprima giada cun il mund professiunal.

urden disciplinar


Sin nossa pagina d'internet chattais Vus sut downloads – lescha ed urden da scola era noss urden disciplinar. Quel sa basa sin la lescha da scola e cuntegna blers reglaments e puncts che valan per nossa scola.

valitaziun

Guarda sut attestats.

viadi a scola

La responsabladad per la via da scola da las scholaras e dals scholars han ils geniturs. En cas da l'utilisaziun d'urdains cun rodas sin l'areal da scola exista in obligatori da chapellina. Sch'in uffant vegn a scola cun il velo, decidan las persunas cun la pussanza dals geniturs. Per motivs da segirezza prescriba la Scola Trin la ruta. Ils velos ston vegnir tschentads giu tar susta per velos da la halla polivalenta.



via da las instanzas

Guarda sut contact.

violenza

Violenza e conflicts èn displaschaivlamain in tema en mintga scola. Sche Vus avais l'impressiun che Voss uffant saja suttemess repetidamain a las accziuns negativas d'in u da plirs uffants, As supplitgain nus da contactar uschè baud sco pussaivel la persuna d'instrucziun da classa. Uschia pon vegnir discutadas ed instradadas uschè spert sco pussaivel mesiras da sustegn.

Ulteriuras adressas

Scola Trin

informaziuns generalas, termin e downloads

🌐 www.scolatrìn.ch

✉ scolatrìn@scolatrìn.ch

Vischnanca Trin

informaziuns tar la administraziun communal

🌐 www.trìn.ch

Center dal stgalim superiur Flem

informaziuns tar il stgalim superiur

🌐 www.schule-flims.ch

Medi da scola

Jörg Prediger, Facharzt Allgemeine Innere Medizin FMH

🌐 www.praxis-prediger.ch

☎ 081 911 10 55

Dentista da scola

Dr. med. dent Anita Wehrle Lechmann

🌐 www.dentista-surselva.ch

☎ 081 911 22 21

Inspectorat da Vallada dal Rein, Partenz-Tavau

post regional per consultaziun e triascha per tuttas dumondas da scola

🌐 <https://www.gr.ch/DE/institutionen/verwaltung/ekud/avs/inspektorat/rheintal/Seiten/default.aspx>

✉ maria.wolf-beart@avs.gr.ch

Chantun Grischun – Uffezi per scola populara e sport

fundament da dretg, rama da scolaziun, etc.

🌐 www.avs.gr.ch

Servetsch psicologic post regional a Domat

cusegliaziun tar dumondas d'emprender ni svilup

☎ 081 257 64 17

Servetsch psichiatics d'uffants e giuvenils Grischun

post da contact per tut las sorts da sa cuntenair e problems psichics da sa cuntenair

🌐 www.pdgr.ch

☎ 058 225 19 19

Giuvaulta

Center per pedagogia speziala

🌐 www.giuvaulta.ch

☎ 081 650 11 11

Scola Trin – Via Principala 76 – 7014 Trin
scolatrin.ch – scolatrin@scolatrin.ch – 079 418 21 72 (manader da scola)